

# სახალხო ბაზუქი

სურათებიანი ლამაზება

ბაზუქის № 1069

ლამაზების № 188

კვირა, 15 დეკემბერი 1913 წ.

## მღვდელი და ღიაკვანი

(ნაწყვეტი მივიწყებულ მოთხრობიდან).

(დასასრული \*)

IV

— თქვენი მტერი, მამაო, თუ ჩვენ მიხა „წერალი“ არ მოვიშველიეთ, ისე დრამის ფული დროით ვერ ავიღოთ—გაიძახოდა მაინც დიაკვანი. ნახევარზე მეტი დაგვეკარგება, გამოცდილებით ვიცი, მამაო, სწირვა-ლოცვის მადლმა. მაგრამ კარგი, ბატონო, ვიცოცხლოთ და როცა თვით თქვენი ბედნერი თვალით დაინახავთ, როგორ მიდის საქმე, დარწმუნებული ვარ. ბრძანებთ: „დათაია დიაკონ“-ს ცოდნია და მე არ ვუჯერებდიო.

მღვდელი ისევ ტახტზე წამოწვა. დათაია დიაკვანი ოთახის შუაგულ მდგომ გრძელო მაგიდასთან სკამზე ჩამოჯდა.

— „კალონი“-სთვის რომ გვეყურა, ბატონო, და იმის სამართლიან განაჩენის მოლოდინში გულ-ხელ დაკრეფილი შინ ვმსხდარვიყავით, ჰო... უ, ეი...ეი! ბატონო ჩემო? ფერდობანის წმიდა გიორგის სამრევლო ახლა გროშკაპეიკად არ ეღირებოდა, მარილიდან დაიწყო დათაია დიაკვანმა ცოტა სიჩუმის შემდეგ — აი, იქით, მამაო, ხელი გაიშვირა დათაიამ,— ჩვენი სამრევლოს ერთ-ერთ კუთხეს სახელად რაქას ეძახიან;

ისე ცალკე სოფლივით არის გამოყოფილი, ერთ-ერთ დაბალ სერზე მდგობარგობს. ოცდა ათი კომლი იქნება. კაი გამრჯეული, კაი შემძლებელი ხალხი, სწორედ წუნი არ დაიდება. ორი ისეთი ქვიტკირის დუქანია იქ გაშენებული, რომ ნახო, გაგი-


კვირდება. ქუთაისის მალაზიებს არ ჩამოუვარდება. რა ფართალი, რა აბრეშუმობა, რა მაული გინდა იქ არ იშოვნო. რაც ღმერთს, ბატონო, ქვეყანა გაუჩენია და ფერდობანს ფერდობანი დარქმევია, რაქლები წმიდა გიორგის მრევლი ყოფილან. ეს ასი წლობით „დაკალონებული“, ტყვია შედუღებული, საქმეა... მაგრამ ამ თუთხმეტოდ წლის წინად წამოგვედაიგნ ვაკეგანელი მღვდლები თევდორე და ანანია. ატყდა საჩივარი. ხომ მოგესხენებათ, ორპირა და „ტრელი“ ხალხი ყველგან ურევია. მორთეს ძახილი: „ვაკე განი უფრო გვეახლოვება, ჩვენთვის უფრო ხელ-საყრელია, იქ უნდა მივეწეროთო“.

სხვები ამბობდნენ: „არ შეიძლება, რის ვაკეგანი, ფერდობანის წმიდა გიორგთან დედ-მამა მიმარხია, რაც გინდ შორს იყოს, მათ საფლავს ვერსად ვერ წავუვალო“. ატყდა ერთი განგაში, ერთი გამოძიება, ერთი დავი-დარაბა. ეს ბლადოჩინი ვარო, ეს „პრისთავი“ ვარო, ეს „ნაჩალიკი“ ვარო. ეს ჩვენი სოფელი სიგძე-სიგანეზე, მგონი, ცხრაჯერ გაზომეს. ათ წელზე მეტი ირჩეოდა საქმე კანტორაში. მ. ივანე, რაც შეეძლო ფაცურობდა, მაგრამ თევდორე და ანანისაც არ ეძინათ. აქეთ, იქით, და რაღა გავაგრძელო, საქმე იქამდე მივიდა, ისე დატრიალდა, რომ ეს, ეს არის რაქლები ვაკეგანელებისათვის უნდა მიეწერათ. აი შენი „კალონი“-იც.

ერთ დღეს! ოი, საწყალი მ. ივანე, რა კაცი იყო ცხონებული. სწორედ მამალი ბიჭი იყო. „ვო, დათაიაო, მათხრა გან-

სვენებულობა.— ბატონო, მეთქი, მივუგე მე. თურმე რომ შევხედე, ენახე, რომ ეს კაცი ისე დალონებულა, ისე დაფიქრებულია, იცოდე, სალავათი დაჰკარგვია!

„ეჰე გიდიო, ეს არის რაღა, გაგვეცალონ ხელიდან რაქლებიო, ნელა წარმოსთქვა ცხონებულმა.— კისერზე უნდა დამაჯდენ ანანია და თევდორეო? ხომ გახსოვს, დათაია, ბეკო




ადამ და ევა. ქანდაკება გიდ პეტერსენისა.

ჯგირინიას ქვრივმა ასანდამ თავის ქმრის სულის საოხოდ ლაფშა ცხენი რომ გამოგვიყვანაო.

— როგორ არ მახსოვს, მამაო, ის ცხენი თავად იოსებ ბაქიბუქაძეს არ მიჰყიდეთ, ცხრა თუმნად მეთქი?!

— ო...ო... კაი დაგემართოს, გხსომებიანო.

— ვო, დათაიო! „ბატონო, მეთქი“.



ქ-ნი ბრეშკო-ბრეშკოვსკისა.

— ხო გახსოვს ტუტურუა მოსიამ ცოლის სულის საოხოდ დეკეული, რომ გვაჩუქაო.

— როგორ დამავწყდებო, მამაო, იმის მოგებული ორი მეწველი ძროხა შენ ახლაცა გყავს და ერთიც მეც მყავს მეთქი.

— ო...ო... ღმერთმან გაცოცხლოს, არ დაგვიწყებიაო.

— ხომ გახსოვს, ბახვამ ჯვარი დაიწერა და ორი კრილა წითელი ქალაღი გადავხდევინეთო.

— რა დამავიწყებს, მაშინ იმ ფულით ჩაგუს, რომ ჩექმა შევაკერინე, ახლაც მაქვს მეთქი.

— აგაშენა ღმერთმა, კაი დამახსოვნება გცოდნიაო.

— გუდულამ რომ ჯვარი დაიწერა?

— თუთხმეტი, არ გვალაპარაკა მეთქი.

— მართალია, მართალიაო.

— გვაძი, რომ საიქიოსკენ აპირობს გამგზავრებას, მისი ჯუკა ხარი ვის ერგებაო. მე შევაჩერდი.

— რას მიყურებ! თევდორე მღვდელი მოავლებს ხელსაო.

— ზაქარია მელუქნე, რომ ჯვარს დაიწერს, ოცდა ხუთიანს ვის მისცემენო. მე ვსდუმდი.

— რატომ არას ამბობ? ანანია მღვდელი ჩაიჩხრიალებს ჯიბეშიო.

— ტოტია, რომ ქალი-შვილს, სალომეს, გაათხოვებს „ღერბის“ ფასს ვის მისცემენო?

— ნუ თუ? ვაკებარელ წმიდა თეოდორე ტირონის ეკლესიის კრებულს მეთქი, წამოვიძახე.

— ნუ გეშინია, სირცხვილით არ დაგეწვებიანო... მაგრამ... ჰააიტ შეე, ძაბუნო შენაო, კაცმა იმედი თავის ღღეში არ უნდა აღმოიკვეთო. ხომ გაგიგონია: „ქირსა შინა გამაგრება ეგრე უნდა ვით ქვიტირსაო“.

„იცი რა გითხრაო, ცქვიტად მითხრა განსვენებულმა, შევხედე, კაცი გამოცვლილა! ამ სისხო თვალებს ატრიალებს, სახეზე ალმური აღის. „ხვალვე დილაადრიანად აღიდე სათხევილი, გასწი წისქვილის ქვემოდ, ახსენე ღმერთი და უკულმა დატრიალებული საქმის წაღმა მოსაბრუნებლად გადაადე წყალში ბადეო. თუ რამე თვალ-საჩინო მოყვა, ჩემსკენ გამოეჩქარე, იმედია, უფალს არ დავეციყვებივართო. რაღაც აზრმა გამიელვა თავში, აბა, შენ იციო.“

იმ ღამეს, როგორც თქვენ არ მობძანებულობართ ამ ჩემ კარავში და არ დაგიძინიათ, მე თვალში ლული არ მომსვლია. იალონზე წამოვბტი, მოვავლე სასროლ ბადეს ხელი და გავწიე. შევიხედე სქელ ბურუსში გახვეულა ეს უშველებელი მდინარე, აქაფებული კისერ ტეხით მიგორავს და მიგორავს, გულ-მოსული დათვივით, რაღაცას მიღუღუნებს, თითქო თევდორე და ანანიას ემუქრებაო. ავათვალთვალ-ჩავათვალთვალე აღვილები, პირჯვარი გარდვიწერე; წისქვილს ქვემოდ, ბრუნდღე ტირიფის გვერდით, მოვიმარჯვე... მოვიმარჯვე ბადე, ავ-

წიე და გადავადე. ჰაი! უფლო იესო! შენ უკეთესი რომ ზღაპარს არ ვამბობ! გადავადე და მოვწიე ნელ-ნელა ბადეს, ვაჟო, მაგრამ რას მოვწიე?! „წინა“ გიორგს გეფაცები, ახლაც რომ გამახსენდება, სიზმარში ვარ მგონია. ამ ხნის კაცი გავიზარდე, დაბადებიდან სულ წყალში ვცქუშპალაობ და ამ სიდიდე კალმახიც არ მინახავს. სრული აღლი იყო, თითქმის სიგრძით, ერთი გოჯი და აკლდა. მოვლენააო, რომ იტყვიან, სწორედ ის მომივიდა.

— ბიჭო, ბიჭო!—წამოიძახა მღვდელმა.

— მერე, რა ლამაზი, ბატონო. თითქო კალმით საგანგებოდ დაუხატავთო, ალისფერი ბეჭდებით აქრელებული ჰქონდა მთლად ტანი. ოხ! შენი სულის კირიმე, რომ ამოვათრიე, გავწი-გამოვწიე ბადეს და ხელი მივაკარე თუ არა!?. იმსაგრძე კუდით უხლართანი მოადინა. შენ კი გენაცვალე, ნუ გამიჯავრდები მეთქი, დაუყვავილე და იმ წამსვე მ. ივანესთან გავარბენინე.

კაცი სიხარულით ცას დაეწია. იმავე დღესვე ტფილისისკენ გავწიეთ. ჩამოვბტით პურ-ღვინოს „გასლიცაში“. კაი დაგემართოს, კარგი სასტუმრო ის იყო. რა მოწყობილობა, რა ოთახები, რა მოსამსახურე ბიჭები. სულ „ელი და ვალი“ ვით დასრიალობენ.

დაფაცურდა განსვენებული. დაბატოე „ახნიმინტები“, დეკანოზები, „ჩილონიკები“, „სეკლანტრები“, რა ვიცი, ვინ და ვინ. გაუმართა სადილი. მე შენ გეტყვი და დაგაკლდება რამე თუ? ენა-პირ შუა რაც გინდა ყოვლისფერს კი იზოვნი იმ დასაქცევში. ეს ჩემი კალმახი ისე მთლად შეეწვათ მაგ ყურუმსაღებს, ვერცხლის ხონჩაზე დაედოთ და ისეთი „ფოკუს-მოკულები“ შემოვწყოთ ირგვლივ, რომ ვერც კი ვიცანი ხერიანად.

მოილხინეს მარა, რა მოილხინეს. ისეთი კახური მრავალქამიერი დასძახეს, რომ ცოდან „მარსკელავ“-ს მოგლეჯდა. უკეთესი სმა-ქამის ხალხი ღმერთმა დასწყევლოს. ბერები კი არა, ჩვენებური ბატონიშვილები არ მინახავს ისეთი ოხუნჯი და მხიარული.

კალმახის ისტორია რომ გაიგეს, ატყდა ერთი სიცილ-ხარხარი. საჩქაროდ, რიგს გარეშე, ჩემი სადღეგრძელო დალიეს; ზოგი ჰერტრე მოციქულს მადარებდა, გენესარეთის ზღვაზე, რომ სასწაულებრივ თევზი დაიქირა, ზოგი მღვდლობას მისურვებდა, ზოგი კაი ცოლს, ზოგი რას და ზოგი რას.



ინგლისელ სუფრაჟისტ ქალების ბელადი მისს პანკჰერსტი.

მეორე დღეს კიდევ გაიარ-გამოიარა, ცბონებულმა, აქ, იქ, ასე, ისე და ქისაც საკმაოდ შეათხელა, მაგრამ საქმე კი თითქმის წაგებულნი, მართლაც და წაღმა მოატრიალა. რაქელები სამულამოდ ჩვენ მოგვაკრეს და დარჩნენ ხელ-ცარიელი თევდორე და ანანია. ახლა გაარჩიე, ბატონო, სად არის „კალონი“ და სად არის „უკალონობა“.

მე ერთი ყრუ კაცი ვარ, მამაო, მაგრამ დაკვირებამ და გამოცდილებამ ერთი რამ დამასწავლა. ქვეყნიურ ცხოვრების საქე „კალონი“ კი არა, ხერხი და დარღმინდობაა. თუ მოხერხებული კაცი ხარ, ყოველ გვარ კალონს, როგორც შენ გინდა, ისე მიატრიალებ.

— მე არ გეთანხმები ამაში, მაგრამ მართლაც რომ ყოჩაღად მოქცეულხარო, ექვი არაა, — სიცილით უთხრა მღვდელმა. — ახლა ეს მითხარი, ქადაგება და მაგისტრანებს ჩვეულია თუ არა ჩვენი მრევლი?



საფრანგეთის ახალი მინისტრ-პრეზიდენტი გასტონ დუმერგო.

— ვის უნდა უქადაგო, მამაო, როცა ხალხი საყდარს არ უკარება. შეიხედავ და მოვა წირვაზე სვიმოია შერეკილა, როლია ქუჩის ქვრივი და ჩვენი მნათე ბასა. აი ჩვენ წირვაზე მოსიარულე ხალხი.

ამათ თუ გინდ უქადაგე და თუ გინდ არა, მაინც ხელში გვყავს, გალიაში დამწყვდეული შოშისასვით. რომ უქადაგო, რა გამოვა, ქადაგებისას რას გაიგებს ყრუ ხალხი. მაგრამ უკაცრაოდ, მამაო, ლაპარაკით თავი მოგაბეზრეთ და სულ დამავიწყდა მიმეხენდა, მოხუცი დედა-კაცი გვიმზადებს რასმე თუ არა.

V

ვახშამი შემოიტანეს. ჩინებული საკმელი მოემზადებინა დათაიას დედას. ჩახოხბილი ქათამი, შემწვარი, გოკი, ახალი სულუგინი, ხაჭაპური... ყოვლისფერი სუფთად და შნოიანად გაკეთებული.

მღვდელს აღექვის ქამის მადა სრულებით არა ჰქონდა, მაგრამ მასპინძლის პატივის ცემის გულისთვის სუფრას მაინც მოუჯდა და შეეცადა გარეგნობით მხიარული სახე მიეღო.

მღვდლის გულში კი ნამდვილი ცეცხლის ალი ტრიალებდა. „ე...ე...“ ფიქრობდა მღვდელი, „პირველი შთაბეჭდილება არ არის სახარბიელო, ჩემს აღფრთოვანებას ცოტათი ფრთა შეეკვეცა, პირველი იმედი გამიცრუვდა. ცხადზე უცხადესია, რომ მე და დათაია ერთი მეორის მოწინააღმდეგე წერტილზე ვდგევართ. ჩვენ არა გვაქვს საერთო ნიანდაგი და იმავე დროს იძულებული ვიქნებით ერთად ვიმსახუროთ, ერთ საერთო საქმეს ვემსახუროთ. ვერც კი წარმომიდგენია, შეიძლება თუ არა ამ ზირობებში თანხმობით სამსახური! რა ამხანაგობა და დახმარება უნდა გამიწიოს იმ კაცმა, ვისაც ჩემი არა გაეგება რა და მე მისი. სად ვეძიო, ვისთან ვეძიო თანაგრძნობა და დახმარება?!

— მიირთვი, მამაო, მიირთვი, ეპატიებოდა დათაია დიაკვანი, — არაყს სრულებით არ მიირთმევთ? რისთვის, მამა! შინაური გაკეთებულია, მაგრამ მერწმუნე, ქალაქურს არ ჩამოუვარდება. ოთხჯერ გამოხდილია, წმიდა ქაქაა.

— გმადლობთ, ეტყობა ჩინებულია, მაგრამ მე ბუნებით არაყს არ გეახლებით, ზრდილობიანად მიუგო მღვდელმა.

— მე კი უარაყოთ საკმელი არც კი მეგემება, სთქვა დათაიამ და ერთი ჭიქა არაყი გადაჰკრა.

„სად ვეძიო, ვისთან ვეძიო, თანაგრძნობა? — არ შორდებოდა ფიქრი მღვდელს.

— მამაო, თქვენ რალაც ფიქრებში გაერთეთ და არაფერს მიირთმევთ, არ ცხრებოდა დიაკვანი.

— ღმერთო მომკალი, ალბად არ მოსწონს, — ანსკაიდან მოეწონება, ჩვენი სოფლური შეთითხნილი ვახშამი „ლოროდ-ში“ გაზდილ კაცს, — თავ-მდაბლა შენიშნა დათაიას დედამ.

— ბატონო, როგორ გეკადრებათ, მე კი არა ხელმწიფე არ დაიწუნებს ისეთი ვახშამია, დიდად გმადლობთ, ჩემო ბატონო, ღირსი არა ვარ ამდენი თქვენი შეწუხებისა. საუბედუროდ, რალაც დაღლილი ვარ და მართლაც და ქამის გუნებაზე არა ვარ, — რაც შეიძლება ღმობიერად მიუგო მღვდელმა.

— სწორედ რომ დაღლილობის დროსაა საჭირო ბლომად საკმელ-სასმელი, რომ კაცის სხეული გამაგრდეს, — ამბობდა დიაკვანი და ლაზათიანად შეექცეოდა ჩახოხბილ ქათამს. — ქამა-ქამა და სმა? თუ თქვენ, მამაო, ამის მეტს ღვინოს არა სვამთ, „ეჭე გიდი“, დავლუბულვართ კაკალი კაცი. ისე წყუპავთ, თითქო ქაშნიკი გინდათ გასინჯოთო. თქვენი მაკურთხებლის მადლმა, მამაო, ჩვენში ასე არ შეიძლება. საცა მიხვალ, ლოცვა-კურთხევა უნდა გადასცეთ და თამადაბაც უნდა იკისროთ. უამისობა არ შეიძლება, ხალხი ასეა მიჩვეული და თუ ხათრი გაუტებე და ხასიათი არ გაუსწორე, ძლიერ საწყენი დაურჩება. დალიეთ, მამაო, ფიქრი ნუ გაქვთ, ნაყიდი ღვინო არ გეგონათ. ჩემი ხელით დავკრიფე ყურძენი, საგანგებო ავარჩიე, მე თვითონ დავწურე და ჩემი ხელითვე ჩავასხი, ჩემ მიერვე გარეცხილ ჭურში. ტრაბახობაში ნუ ჩამომართმევთ და ჩემისთანა სუფთად ამ ახლო-მახლოს ღვინის დაყენებას, ტყუილია, ვერავინ დაიჩემებს. დალიეთ, მამაო, ყურძნის წმიდა წვენი, მთელი კოკაც დალიეთ, არ გაწყენთ.

— რა სათქმელია, ჩინებული ღვინოა. მართალი გითხრა, მე ასეთი კარგი ღვინო ჩვენში არც კი მინახავს. რას ამბობ, მე ეს ორი ჭიქა ზედი-ზედ დავლიო, უეჭველია დამათრობს, მიუგო მღვდელმა.

— რა ვუყოთ, მამაო, თუ დავთვრებით. ბედნიერად, ჩემო ბატონო. მადლობა ღმერთს ვადახურულში ვართ. სახლი ჩემი საკუთარია, მოვალე არ მაწუხებს და მოგახმე, დავთრებით, დავიძინოთ.

— უჰ! რას ამბობ, სიმთვრალე როგორ შეიძლება, თავდაპირველად ზომიერებაა საჭირო ყოველ გვარ საქმეში. ტყუილად არ გვეცინიან ჩვენ საერთოდ ქართველ ხალხს, რომ ყაირათი არ იციანო, დარიგების კილოთი სთქვა მღვდელმა.

— შენ არა გწყევლი, და იმდენი ჩემ ორ ბალანს ღმერთმა უღროოდ რამე ფათერაკი ნუ შეახვედროს, რამდენი დო-



მინუელ მარჯანიშვილი. ბაქოში 20 წლის სასცენო მოღვაწეობის გამო.

ქი ღვინო უგზო-უკვლად და უთავბოლოდ დაიხარჯოს ჩემ სახლში, მაგრამ ღვთის წყალობა, რაც ჩემ თავს მოვესწარი, ღვინო არ მიყიდა. დალიეთ მამაო. ეს ღმერთმან გაცოცხლოთ, გაგაბედნიეროთ, ცოლით, ყოველი თქვენი კეთილით, ღმერთმან თქვენი ვაჟი შვილი გვაჩვენოს. შეგაყვაროს ჩვენი სოფელი...

— გმადლობთ, გმადლობთ, მხიარული სახით მიუგო მღვდელმა და ნახევარი ჭიქა ღვინო დალია.

— ეს როგორ შეიძლება, ეს ერთი მაინც უნდა დასცალაო.— გულიანად ამბობდა დათაია დიაკვანი— მომითმინე, აგერ თუ ღმერთმა მშვიდობა ქმნა, მაქარი მოგვასწრებს. გაჩაღებული კერა, ჭყლინტი სიმინდი, ახალი ნიგოზი და გვერდზე დოქით ახალი მაქარი. ე... იპ! შენი ჭირიმე, რა კარგი იქნება.

დალიეთ, მამაო, სამადლობელო მაინც უნდა გამოცალოთ.

— გმადლობთ, ცოტას კიდევ მოვსვამ და დაცლა, რა მოგახსენო, არ შემოძლია, ძლიერ მაგარი ღვინოა, დამატრობს. მეტი ღვინის სმა, ცოდვია, კანონის წინააღმდეგია,— სიცილით დაუმატა მღვდელმა.

— ეპ. მამაო წმიდაო, თქვენ მაინც, თქვენი განათლებული პირით როგორ ბძანებთ ამისთანა სიტყვებს,— ვითომ და გაცუებით მიუგო დიაკვანმა.— მე, ერთ უსწავლელ, ტყეში გაზდილმა კაცმა, როგორ უნდა გასწავლოთ ისტორია. რამდენად ცოდვილი, რამდენად ბოროტის მომქმედი უნდა ყოფილიყო, ერთის მხრივ, ის ხალხი, გიზედაც უფალმა თვისი მართლ-მსაჯულების უკიდურესი ზომა იხმარა და წარღვნით დასაჯა, ხოლო რამდენად მართალი და ღვთის სათნო ყოფილიყო, მეორეს მხრივ, ის ერთად-ერთი კაცი, ვინც ამ საერთო ცოდვის მორღვის დროს უცოდველი და ღვთის მშობსავი აღმოჩნდა. და წარმოიდგინეთ, რომ ეს უმაგალითო ღვთის სათნო კაცი ღვინოსა სვამდა რომელია, თვრებოდა, მაგრამ უფალი არ უჯავრდებოდა.

— ხა, ხა, ხა, ჩაიციხა მღვდელმა.— არ გაჯავრებია; მაგრამ არც მოუწონებია ქარბად ღვინის სმა...

— თქვენი მაკურთხებლის მადლმა, არც დაუძრახაეს. პირიქით, ვინც ის დასძრახა, ღმერთმა ის დასაჯა. ექვი არაა, ღვინის სმა ღვთის მიერ ნაკურთხდადასტურებულია, ამიტომ, მამაო, ღმერთმა გიცოცხლოს მშობელი დედა. დედასთანა კაცისათვის, ხომ არაინ იქნება ამ ცოდვილ ქვეყანაზე, სხვა ყველა ტყუის, ცალიც, შვილიც, დაც, ძმაც. გულწრფელი ღნამღვილი გულ-შემატკივარი, მხოლოდ და მხოლოდ დედაა.

აი, ეს დედა-ჩემი, მამაო, სამოც და ათი წლის მოხუცია, მაგრამ ეს არა მყავდეს, ამდენხანს ათჯერ დავიღუპებოდი...

— გმადლობთ, გმადლობთ, გრძნობით მიუგო მღვდელმა, მეც სულით და გულით ვუსურვებ დედა თქვენს კიდევ ბევრი ხნის სიცოცხლეს...

— გმადლობთ, ბატონო, დღე-გრძელი გამყოფოს მამა-ზეციერმა, თავმდაბლა შენიშნა მოხუცმა და ამოიხბრა.

ნაჯახშიგს მღვდელს ალექსის სუფთა ქვეშაგები დაუგეს, აბრეშუმის საბანი დახურეს და მოასვენეს.

ახალი ნახულ-გაგონილის გავლენის ქვეშ მღვდელს ბევრ ხან არ დაეძინა.

„დათაია დიაკვანი“ თავის თავად ცუდი კაცი არ უნდა იყოს, ფიქრობდა, იგი,— ზურ-მარილი, პატრის-ცემა ჩინებულის, მაგრამ სხვა მხრივ, როგორც თანაშემწე სამსახურის დროს, როგორც იდეური ამხანაგი, არ ვიცო, რამდენად შეგვეგუებით ერთმანეთს. იქნებ რამე შევადგინებო? თუმცა ფუჭი ოცნებაა. კაცს ოც და ხუთი წელიწადი უმსახურნია. ამ ხნის განმავლობაში ერთგვარი ფიქრით და აზრით უყურებს საქმეს და ახლა მისი ახალ გზაზე დაყენება, მგონი, ყოველად შეუძლებელი შეიქნეს. ყოველ შემთხვევაში, ვეცდები ხელი არ შემიშალოს“.

„არა, უეჭველია, ბევრი დაბრკოლება გადამდგომდება წინ, მაგრამ მე მაინც იმედი მაქვს, ადრე თუ გვიან ჩემი საქმეა დასრულდება. ყოველისფერი ხალხისაგანა დამოკიდებული. არა ვგონებ, ისეთი იყოს ხალხი, როგორც დათაიას გონია“.

VI

— ამ დილა ადრიან რა მოგარბენინებდა, კაცო, ჩიტი ხომ არა ხარ, ხის ტოტზე ხომ არ იჯექი. კაცი წუხილ შუა ღამისას მოვიდა, შორი მგზავრობით დაღლილია, სძინავს და ახლა როგორ უნდა გავადვიდო. საკვირველია, „წინა“ გიორგის მადლმა, კაცს ჯერ ფერდობანში შეეხიცი არ შემოიუღდამს ხეარინად და „მაპაჯირები“-ვით უკვე თავს დაეცნენ.

— რა ექნათ, დათაია, მოისმა უცნობი სმა,— გაკირვებამ მომარბენინა. მოხუცა მღვდელ-კაცია, მაგრამ ისიც ქრისტიანე სულია, უზიაროდ მოკვდეს ცოდლა.

— მოკვდება კი არა, არ გინდა გარდაიცვლება, ბიცოლა შენს რა მოკლავს, მენცარ ქალს...

— ეხ! დათაია, გვეყოფა, რაც ფერდობანელებმა უმღვდლო-ბით გაკირვება ვნახეთ? მ. ივანე ღმერთმა აცხოვნოს და ვერაფერში ვერ დაგვიმღურებოდა; ჩვენ კი, ქული რომ დაგვედო და სამართალი მოგვეთხოვა, ბევრ რამეში ვიყავით გულნატკენი, მაგრამ ნეტავ არ მომკვდარიყო უბედური და ჩვენ კიდევ ავიტანდით, ჩვენ ხელში გაზდილს არ შევარცხვენდით. ახლა კი ცოტა რიგი და წესი უნდა დამყარდეს ჩვენში. მიწას რომ ვჩინქით სოფელში და „მაშინა“— „დერეჩენით“, რომ არ დავბრიგინობთ, ამიტომ სულ ყრუ კი არა ვართ, დათაია.

— ერთი შენცა, დაიწყებ ახლა ისტორიას, მკვახედ გააწყვეტინა დათაიამ.

— ისტორიას კი არა მართალს ვამბობ, მამი ჩემის სული ნუ წამიწყდება, მშვიდად გააგრძელა უცნობმა.— ქუქია უზიაროდ გარდაიცვალა, პეხუ უზიაროდ გარდაიცვალა, ივა, როლამი, ამა რამდენი ჩამოვთვალა. არ მოვიდა, ყმაწვილო, სხვა მღვდელი არა, როცა გაგვიქირდა და გავიქეციო. თქვე ამო-



ჩინეთის პრეზიდენტი იუანშიკაი.

საწყვეტებო, ანხლი რძალ-დედამთილივით ერთმანეთის ჯინი გქირთ. ანანიასთან რომ მივირბინეთ, ოც და ხუთი დავიქეყვილა, გიორგი მღვდელთან რომ მივედით ქალაში, კინაღამ ძაღლებით გამოგვეკიდა. გვეყოფა დათაია, თუ ახალი მღვდელი ჩამობძანდა, სთხოვე, რომ უსათუოდ წამობძანდეს...

— ჰო, კარგი, კარგი წამობძანდება... ამისთანებში კი მარჯვე ხარ, მაგრამ მამიშენის სულის საოხოდ ერთი მოზვერის მეტი არა მოგიცია რა, ამაზე კი არას ამბობ, არ ცხრებოდა „დათაია დიაკვანი“.

მღვდელსაც გამოეღვიდა ამ ხმაურობაზე. მიხვდა რომ საზიარებლად იწვევდნენ.

— მღვიძარე ვარ, არა მძინავს, დათაია, ახლავე გამოვალ. — გასძახა მან ლოგინიდან, წამოხტა და საჩქაროდ ტანთ-ჩაცმა დაიწყო.

უიარაღო.

